

RANTAU AMAN

Korea sokong Malaysia

KUALA LUMPUR, Khamis — Korea Utara hari ini menyokong pendirian Malaysia berusaha mewujudkan sebuah rantau aman, bebas dan berkecuali sejajar dengan cita-cita ASEAN.

Dalam satu kenyataan yang dikeluarkan oleh rombongan negara itu diketuai oleh Perdana Menteri, Encik Li Jong Ok setibanya di sini, para pelawat tersebut berkata, perbincangan mereka dengan pemimpin-pemimpin Malaysia akan bertumpu kepada usaha memperluas dan memperketat pertalian kedua negara.

Memandangkan kedua negara merupakan negara-negara berkecuali di rantau Asia, Malaysia dan Korea Utara mempunyai banyak persamaan sama ada kepentingan bersama di masa lampau mahupun di masa kini.

Disambut

Kenyataan itu juga menyatakan, perjuangan rakyat Korea Utara untuk mewujudkan sebuah negara Korea melalui penyatuan Korea Utara dan Selatan secara aman.

Ketibaan Encik Li beserta 22 ahli rombongannya di lapangan terbang antarabangsa di Subang, disambut oleh Datuk Leo Moggie selaku Menteri Pengiring.

Rombongan yang sedang dalam rangka lawatan lima hari ke sini, kemudian dibawa ke bangunan Parlimen untuk upacara sambutan rasmi negara.

Turut menyambut

ketibaan rombongan itu ialah Perdana Menteri, Datuk Seri Dr. Mahathir Mohamad, Timbalannya, Datuk Musa Hitam, Menteri Kewangan, Tengku

Razaleigh Hamzah dan Menteri-menteri Kabinet lain.

Encik Li akan menemui Datuk Seri Dr. Mahathir esok.

Bahan asal dari Arkib
Negara Malaysia